



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
5-300

**Xuv Tsib – Tsab Cai Hais Txog Kev Coj thiab Kev Siv Dag Zog**

**Kev Siv Dag Zog**

**5-313            Txoj Hauv Kev Xaiv Tswj- Cov Riam Phom Tshuaj Khes Mis**  
(10/16/02) (08/16/07) (xx/xx/23)

**I. Lub Hom Phiaj**

Lub hom phiaj ntawm txoj cai no yog los nthuav dav cov cai teeb tseg ntawm lwm cov cai kev siv dag zog, tshwj xeeb tshaj yog tau cuam tshuam rau riam phom tshuaj khes mis.

**II. Cov Ntsiab Lus Txhais**

**Cov Riam Phom Tshuaj Khes Mis:** Cov riam phom uas tau tawm quav los xa tshuaj khes mis los ntawm kev siv cuab yeej tua mus los sis siv tes tsav mus.

**Cov lus uas muaj ntsiab lus nyob rau hauv P&P 5-302:**

- Nqa
- Xa
- Tso Tawm
- Qhia Tawm
- Muaj Kev Koom Rog Tus Neeg Phem
- Taw Tes
- Siv

**III. Txoj Cai**

**A. Txoj Cai thiab Cov Kev Cai Kev Taw Qhia**

Dhau ntawm cov yam tshwj xeeb nyob rau hauv txoj cai no, cov neeg ua hauj lwm yuav ua raws li cov cai teeb tseg ntawm txhua lwm txoj cai uas siv tau, uas suav nrog tab sis tsis tag rau, Cov Kev Cai Kev Taw Qhia thiab lwm cov quav cai nyob rau hauv P&P 5-301.

**B. Kev Ua Raug Raws Li Txoj Cai thiab Kev Cob Qhia**

Cov tub ceev xwm tsuas siv cov riam phom tshuaj khes mis nyob rau tus yam ntxwv uas tsis muaj kev ntxub ntxaug, thiab tsuas siv thaum qhov kev siv dag zog uas hais los ntawd muaj zoo laj thawj uas muaj kev ncaj ncees thiab raug raws li MPD li kev cob qhia tam sim no thiab MPD cov cai uas kav tswj kev siv dag zog (suav nrog txhua tshooj nyob rau hauv P&P 5-300) uas suav nrog thaum tau siv rau kev cais los sis pov thaiv cov neeg nyob ua npoj coob.

### **C. Cov Kev Cuam Tshuam thiab Kev Sib Sau Ua Ke Ntawm Pej Xeem**

Txhua cov kev siv cov riam phom tshuaj khes mis rau cov hom phiaj kev tswj tib neeg nyob ua npoj coob los sis ncua sij hawm cov kev cuam tshuam thiab kev sau ua ke ntawm pej xeem tsuas yuav tshwm sim raws li P&P 7-805 xwb.

### **D. Yuav Tsum Tau Muaj Kev Cob Qhia**

Cov riam phom tshuaj khes mis tsuas raug siv los ntawm cov neeg ua hauj lwm uas muaj kev cob qhia tiav uas tau txais kev pom zoo lawm xwb.

### **E. Cov Riam Phom Tshuaj Khes Mis Uas Lub Tuam Tsev Hauj Lwm Tau Tawm**

Tsuas yog MPD cov tub ceev xwm xwb thiaj li tau txais kev tso cai siv cov riam phom tshuaj khes mis uas lub tuam tsev hauj lwm tau tawm.

### **F. Tsuas Yog Rau SWAT Siv Nkaus Xwb**

Cov riam phom tshuaj khes mis tsuas raug siv los ntawm tus neeg ua hauj lwm ntawm Cov Riam Phom thiab Cov Tswv Yim Tshwj Xeeb (Special Weapons and Tactics, SWAT) uas muaj kev cob qhia lawm xwb raws li lus txib ntawm Tus Thawj Coj Saib Xyuas Ntawm Lub Chaw Zov los sis Tus Thawj Coj Saib Xyuas SWAT.

### **G. Cov Kev Pab Cuam Thaum Muaj Xwm Txheej Ceev**

Thaum tau siv cov riam phom tshuaj khes mis, Lub Tuam Tsev Hauj Lwm Ntsig Txog Kev Tua Hluav Taws thiab tsheb thauj neeg mob yuav npaj kom txhij nyob rau ncua nrug deb kom muaj kev nyab xeeb uas ze rau cheeb tsam muaj lub hom phiaj rau.

### **H. Kev Tshem Tawm Cov Taub Ntim**

Tom qab thaj chaw muaj xwm txheej muaj kev ruaj ntseg, SWAT cov tswv cuab ntawm pab pawg neeg ua hauj lwm yuav tshem tawm thiab coj tej cov taub ntim nyob rau hauv cheeb tsam coj mus pov tseg.

### **I. Kev Kho Mob thiab Kev Pab Fab Kev Kho Mob**

1. Dhau li ntawm kev kho mob uas raug raws li tus qauv cia tom qab siv dag zog (saib raws li P&P 5-301) lawm, kev kho mob tom qab kev nphav raug rau tus neeg uas tau nphav raug tshuaj khes mis yuav suav nrog rau ib yam los sis tshaj ib yam ntawm cov txuas mus no:

- Kev tshem tus neeg uas raug feem cuam tshuam tawm ntawm qhov chaw uas nphav raug.
- Kev nthuav tawm tus neeg uas raug feem cuam tshuam rau cov huab cua tshiab.
- Kev ntxuav ob lub qhov muag thiab tawv nqaij ntawm tus neeg uas raug feem cuam tshuam uas siv cov dej txias (yog tias muaj).

2. Cov neeg ua hauj lwm uas tau cog lus yuav tsom kwm saib xyuas tus neeg uas nphav raug tshuaj khes mis yam tsis tu ncua kom txog thaum tso lawv mus rau tus neeg ua hauj lwm fab kev kho mob los sis lwm tus neeg ua hauj lwm ntawm chaw yuam siv kev cai lij choj.
3. Tus tub ceevxwm uas hloov ntaub ntawv saib xyuas tus neeg uas raug tshuaj khesmiv (chemicals) yuav tsum qhia rau lub chaw tshiab uas txais nws paub tias tus neeg ntawd raug tshuaj khesmiv (chemicals) lawm.

#### **J. Kev Ua Ntaub Ntawv**

Cov tub ceev xwm yuav ua ntaub ntawv siv riam phom tshuaj khes mis ua kev siv dag zog raws li txoj cai cuam tshuam txog kev siv dag zog uas tshaj tawm (P&P 5-302).